



REPUBLIKA E SHQIPËRISË
KOMITETI KOMBËTAR I DIGAVE TË MËDHA

KKDM/Nr. ⁶² Prot
Lutemi referoni këtë numër në përgjigje

Tiranë, më 25/ 04 / 2023

VENDIM

Nr.12, date 25 /04/2023

PËR

**RAPORTIN VJETOR PËR VITIN 2022 TË SHFRYTËZIMIT, OPERIMIT, MIRËMBAJTJES,
MONITORIMIT DHE SIGURISË SË DIGAVE TË BASHKISE KOLONJË**

Në mbështetje të Ligjit Nr. 8681, datë 02.11.2000 "Për Projektimin, Ndertimin, Shfrytëzimin dhe Mirëmbajtjen e Digave dhe Dambave" dhe VKM Nr. 147, datë 18.03.2004 "Miratimin e Rregullores për Sigurinë e Digave dhe të Dambave", Komiteti Kombëtar i Digave të Mëdha (KKDM) në mbledhjen e datës 25.04.2023 mori në shqyrtim Raportin vjetor për vitin 2022 në lidhje me shfrytëzimin, operimin, monitorimin dhe sigurinë e digave që administrohen nga Bashkia Kolonjë të paraqitur nga bashkia Kolonjë.

Në raportin vjetor është dhënë një informacion i detajuar në lidhje me gjëndjen e digës, të dhënat e monitorimit të saj, investimet e kryera gjatë vitit 2022, planet e gadishmërisë dhe ekipin e sigurisë së digës, problematikat kryesore gjatë vitit 2022 si dhe konkluzionet e shfrytëzuesit të digave në lidhje me gjëndjen e digave dhe sigurinë e tyre.

Në Raport nuk është dhënë informacion në lidhje me hartat e përmbytjeve, matjet e volumet aktuale të ujit në rezervuar, problematikat në lidhje me sedimentet si dhe vlerësimi i aseteve të digës dhe të elementeve kryesore të saj (Diga, shkarkuesit fundor dhe sipërfaqësor, Vepra e marrjes, sistemet e monitorimit, rezervuari, etj)

Gjithashtu, sipas Raportit dhe rezultateve të dhëna rezultoi se në përgjithësi të gjitha digat që janë nën administrimin e kësaj bashkie nuk mirëmbahen dhe nuk monitorohen sipas kërkesave të legjislacionit në fuqi. Në të gjitha digat nuk ka të instaluar sisteme të monitorimit të tyre dhe në shumicën e digave nuk kryhet pastrimi i skarpateve të sipërme dhe të poshtme. Në digat e Gjoncit, Borovës, Makerz, Kabash ka probleme të mëdha në lidhje me rrëshqitjet, filtrimet, qëndrueshmërinë dhe sigurinë e tyre. Për asnjë prej digave nuk janë përgatitur planet e gadishmërisë në rastet e emergjencave civile dhe nuk ka sisteme alarmi apo harta të përmbytjeve sipas kërkesave teknike dhe dhëzimeve të KKDM. Pas diskutimeve të të gjithë antarëve të pranishëm, KKDM

VENDOSI:

1- Ti kërkohet Bashkisë Kolonjë si shfrytëzuese e digave të mëdha që ndodhen në territorin e saj:

- Të përgatit dhe të dorëzoj për shqyrtim pranë KKDM projektet e zbatimit për rehabilitimin e digave të Gjoncit, Borovës, Makerz dhe Kabash. Këto projekte duhet të plotësojnë kërkesat e VKM dhe legjislacionit në fuqi
- Të hartojnë Rregulloret e shfrytëzimit, monitorimit dhe sigurisë së digave sipas kërkesave të nenit 29 të VKM së mësipërme,
- Të marrë masat për mirëmbajtjen dhe monitorimin e digave të mëdha përmes sistemeve të monitorimit të kërkuara në nenet 32 dhe 33 të VKM përkatëse të dhënë me sipër dhe udhëzimeve të KKDM për pastrimin e të dy anëve të digave.
- Të kryejnë matjet e volumeve aktuale të ujit në cdo rezervuar dhe të hartojnë kurbat e volumeve dhe të sipërfaqeve të ujit për rezervuarët deri në nivelin maksimal të ujit të parashikuar në projekt sipas kërkesave të nenit 30 të VKM-se të mësipërme,
- Të përgatit dhe të dorëzoj pranë KKDM një informacion në lidhje me vlerësimin e aseteve të digave dhe elementeve kryesore të tyre sipas udhëzimeve të KKDM.
- Të përgatit planet e gadishmërisë në rastet e emergjencave civile për shkak të prishjes së mundshme të digës apo prurjeve maksimale që mund të vijnë në rezervuar. Këto plane duhet të jenë të shoquara me hartat e përmbytjeve sipas kërkesave të nenit 35 të VKM se mësipërme.

Ngarkohet Sekretariati Kombëtar i Digave të Mëdha (SKDM) si zyrë ekzekutive e KKDM për ndjekjen dhe zbatimin e masave të kërkuara në këtë Vendim sipas legjislacionin në fuqi. Ky Vendim hyn në fuqi menjëherë

KOMITETI KOMBËTAR I DIGAVE TË MËDHA

KRYETARI

Arjan JOVANI

